



Magne Håvard Forberg
Nørdre Dalain

2690 SKJÅK

SAKSHANDSAMAR: ANDERS VOSS THINGNES

ARKIVKODE: 2014/2538 - 432.3 DATO: 04.04.2014

Delegert vedtak

Delegasjonssak	DS 37/14
-----------------------	-----------------

DELEGERT VEDTAK - BREHEIMEN NASJONALPARK - DISPENSASJON TIL BRUK AV BÅT MED MOTOR PÅ LUNDADALSVATNET - 2014 - MAGNE HÅVARD FORBERG

I medhald av brev frå Miljøverndepartementet datert 17.02.2012 har Breheimen nasjonalparkstyre i styremøte 11.02.2013, sak 32/2013, gjort vedtak om å delegere handsaming av einssilde saker til nasjonalparkforvaltaren. Vedtaket gjev nasjonalparkforvaltaren i Breheimen myndigheit til å treffe vedtak i saker som gjeld dei spesifiserte dispensasjonsreglane om ferdsel i verneforskriftene for verneområda i Breheimen, slik som i denne saka:

I samsvar med delegasjonsfullmakt vedtek nasjonalparkforvaltaren med heimel i § 3, pkt. 6.3 bokstav n i verneforskrift dagsett 7. august 2009 for Breheimen nasjonalpark, å gje Magne Håvard Forberg, dispensasjon til bruk av båt med motor på Lundadalsvatnet i 2014. Vi viser til saka med vedtak og vilkår i dette brevet.

Dokument i saka:

E-post dagsett 27. mars 2014, frå Magne Håvard Forberg.

Søknaden vert vurdert i samsvar med:

1. Forskrift for Breheimen nasjonalpark, dagsett 7.august 2009.
2. Naturmangfaldlova, dagsett 19. juni 2009 nr.100.

Søknaden

I søknad dagsett 27. mars 2014 søker Magne Håvard Forberg om løyve til å bruke båt med motor til fiske og frakt av jegerar og reinsdyrkjøtt på Lundadalsvatnet i 2014.

Verneforskrift og verneformål

Omsynet til verneverdiane i området er vurdert, særleg i forhold til dyrelivet og friluftsliv som er mest relevant i dette tilfellet, jf. verneforskrifta § 2 og naturmangfaldlova §§ 1, 4 og 5 samt § 7, jf. §§ 8-12. Formålet med Breheimen nasjonalpark er å ta vare på eit stort, samanhengande og villmarksprega naturområde som inneheld særeigne, representative økosystem og landskap utan tyngre inngrep. Etter verneforskrifta for Breheimen nasjonalpark, er motorferdsel på land, på vatn, og i lufta under 300 m frå bakken, forbode

(verneforskriftene § 3 pkt. 6.1), med unntak gjeve i pkt. 6.2 og 6.3. Forvaltningsmyndet kan gje løyve til bl.a.: ”bruk av båt med motor inntil 10 hk på Lundadalsvatnet i samband med fiske, organisert tilsyn med beitedyr, transport i samband med villreinjakt samt transport av varer og utstyr til Trulsbu” (§ 3 pkt. 6.3 bokstav n i verneforskrifta for Breheimen nasjonalpark).

Vurdering

Sekretariatet vurderer saka bl.a. ut ifrå at dei i kongeleg resolusjon er teke omsyn til bruken av båt med motor på Lundadalsvatnet. Det vart akseptert at tradisjonen for ein viss bruk av båt med motor til mellom anna villreinjakt på Lundadalsvatnet kunne fortsetja etter vernetidspunktet. Det vart derfor i verneforskrifta opna for bruk av motorbåt på Lundadalsvatnet, blant anna på grunn av dei tidvise vanskelege vertilhøve som er på fjellvatnet. Det skal søkast forvaltningsmyndet om løyve og kvar søknad skal vurderast. Omfanget av motorferdsel skal haldast på eit så lågt nivå som mogleg av omsyn til samla belastning på naturmiljøet og av omsyn til friluftslivet. Fråvær av motorstøy er ein viktig kvalitet i utmark og motorferdsel kan i tillegg vera uheldig for fugle-/dyrelivet. Målet er å halde omfanget av motorferdsel så lågt som mogleg å avgrense det til det som er nødvendig. Motorferdsel på land og på vatn er derfor i utgangspunktet forbode i nasjonalparken.

Søknaden må også vurderast etter prinsippa i naturmangfaldlova §§ 8 – 12. jf. § 7.

Lundadalsvatnet ligg 5 timars gange frå bilveg og plassert langt inne i nasjonalparken. Området er svært lite prega av inngrep. Når det gjeld dyrelivet så er det registret liten aktivitet i og rundt vatnet. På Hålåsand er det registrert bl.a. Sandlo. Villreinen brukar området til ein viss grad. Villreinbukk trekker langs vatnet sporadisk.

Langs sørsida av dalen går DNT-løypa frå Skjåk til Trulsbu. Friluftslivet i området er minimalt. Ved utløpsosen på vatnet ligg det ein konsentrasjon av 8-10 hytter(fiskebuer) og i tillegg nokre naust. Det har ikkje vore registrert ureglementerte forhold med bruk av motor tidlegare år.

Sekretariatet meiner at det er tilstrekkeleg kunnskap om området og konsekvensane av tiltaket slik at innhenting av ny kunnskap ikkje er nødvendig (nml. §8). Kunnskapen er god og sekretariatet ser ikkje førevar-prinsippet som relevante i denne samanhengen, men det er behov for å knyte vilkår til vedtaket (nml §9). Påverknaden skal vurderast ut ifrå den samla belastninga som økosystemet blir utsett for. Sekretariatet kan ikkje sjå at dette tiltaket, saman med dei andre dispensasjonane som er gjevne, på Lundadalsvatnet samla sett vil føre til uheldig belastning. Føresetnaden er at vilkåra som sekretariatet kjem med forslag om i saka blir følgde (nml §10). Bruken av motor er sterkt avgrensa gjennom verneforskrifta. Derfor er risikoen for at det oppstår skade svært liten (nml. §11). Bruk av motorbåt er praktisk, men fyrst og fremst viktig for tryggleiken. Det blir sett vilkår om motorstyrke og maksimum fart som fell saman med fart under grensa for at båten kan plane (nml 12).

Med gjevne vilkår meiner sekretariatet at det kan gjevast løyve til tiltaket, jf. kap. 3.8.2 om ”Motorbåt på Lundadalsvatnet” i framlegg til forvaltningsplan for Breheimen nasjonalpark av 5. desember 2012.

Vedtak

I samsvar med delegasjonsfullmakt vedtek nasjonalparkforvaltaren med heimel i § 3, pkt. 6.3 bokstav n i verneforskrift dagsett 7. august 2009 for Breheimen nasjonalpark, å gje Magne Håvard Forberg, dispensasjon til bruk av båt med motor på Lundadalsvatnet i 2014. Dispensasjonen vert gjeven på viss vilkår.

Vilkår

1. Dispensasjonen gjeld for 2014.
2. Maksimal motorstyrke er inntil 10 hk.
3. Høgste lovlege fart er 8 knop.
4. Under køyringa skal det takast omsyn til naturmiljø (særleg dyreliv) og friluftsliv.
6. Rapport om talet på turar skal sendast forvaltningsmyndet innan 15. desember 2014.

Dette løyvet vedkjem naturmangfaldlova med verneforskrift og ikkje i samband med motorferdselslova med eigen forskrift og anna lovverk. Det må søkast kommune og grunneigar om løyve etter anna lovverk.

Klage

Vedtaket kan klagast inn for Miljøverndepartementet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljøverndepartementet, men sendast til Breheimen nasjonalparkstyre.

Med helsing

Anders Voss Thingnes
nasjonalparkforvaltar

Brevet er godkjent elektronisk og har difor inga underskrift.

Kopi pr. e-post til:

Øyvind Angard

Skjåk kommune

Miljødirektoratet

Fylkesmannen i Oppland

Postboks 5672 Sluppen

Postboks 987

2690 Skjåk

7485 TRONDHEIM

2626 LILLEHAMMER